

Պատմ. Երես֊սագէթ. Երես 278: Զինի 7 ամաց Էրանէն Լա-
տինք 'ի վանաց Հրեշտակապետի:

Արդ՝ վանք Ս. Սիոնի է արտաքոյ պարսպի քաղաքին
Երուսաղէմի, կարի մերձ նմին և Ս. Փրկչի վանքն Հայոց:
Յիսուս վարդապետն մեր տնդ եկեր զգառն Պատեքին
յԸնթրիս. եւ աւանդեաց աշակերտաց իւրոց զխորհուրդ
փրկական Պատարադին. լուաց զոտս Աշակերտաց. յետ
Յարութեան երեւեցաւ նոցա դ֊֊քն փակելովք. եւ ետ
չօչափել թովմայի զվէրս կողին և զտեղիս բեւեռաց. յետ
Համբարձման իւրոյ աստ ժողովեցան Առաքեալք և աշա-
կերտք. աստ էջ ամենասուրբ Հոգին Աստուած եւ Հան-
դեաւ 'ի դասս Առաքելոց, և զարդարեաց զնոսս եօթն-
արիեան շնորհ֊ք. այլովքն Հանդերձ: Մ֊֊տ էր ամա եւ
տուն ամենօրհնեալ կուսին Մարիամու մ֊֊ր Տեառն, յորոյ
վերայ կանգնեալ էր եկեղեցի, զոր կործանեցին այլազ-
գիք: Վանքն Սիոնի զերծաւ յաւերանաց Տիտոսի և Ադ-
րիանոսի. վերջապէս աստ էր ժողովարան Առաքելոց եւ
յաջորդաց նոցին մինչ 'ի շինութիւն եկեղեցեաց 'ի Սուրբ
Տեղիս: Յեղինակ շինութեան եկեղեցւոյն Սիոնի, ասի լի-
նել նա ինքն թաղուհին Հեղինէ մայր Կոստանդիանոսի
մեծի: Մովսէս Կաղանկանաւոցի յատորագրութեան ե-
կեղեցեաց Ս. Երկրին, ստորագրէ նաեւ զեկեղեցին Սիոնի՝
այսպէս, « Ս. Սիոն եկեղեցին՝ միով ասպարիզաւ բացա-
դոյն է 'ի յարութենէ՝ 100 կանգուն յերկայն և 70 'ի լայնն,
80 սեամբք կամարակապ֊ք, և չէ վերնատն֊ք, այլ թարբ
կապեալ է փայտեայ, և պսակ փշոյն կայ 'ի կախ զթար-
բէն, որ եգին Կենարարին 'ի գլուխ »: Այս եկեղեցի զոր
յառաջ բերէ պատմագիրն՝ կայր կանգուն մինչ ցեօթնե-
րորդ դար, և ապա կործանեալ յանյիշատակ ժամանակի.
այժմ ոչ միայն հիմունքն՝ այլ և տեղին անդամ նշմարել
անհնարին է. զի խառն 'ի խուռն տունք մահմետականաց
կառուցեալ են անդ: Յետ այսմ եկեղեցւոյ, յարէ՝ « Եւ
յաջմէ եկեղեցւոյն վերնատունն խորհրդոյ, եւ փայտեայ
գմբէթ. յորում նկարեալ է զԸնթեացն խորհուրդ Փրկչին.
յորում է սեղան խորհրդոյ, և պատարագ մատչի 'ի վեր-
նայարկին Սիոնի, և վերնատուն մի լինի »: Նկարագրու-
թիւն եկեղեցւոյս յայտ առնէ, այժմեան զեկեղեցին, որ